
Vår referanse 2020/44660-11
Dato 04.08.2020

ALVER KOMMUNE
Postboks 4
5906 FREKHAUG

Att. Øystein Hafnor Kolstad

Melding om synfaring - Landbruksveg - gnr. 415, bnr. 10 Nordanger - Alver kommune

Vestland fylkeskommune viser til sak om bygging av landbruksveg på Nordanger. Seksjon for kulturarv har vurdert saka som regionalt kulturminnemynde. Vi beklagar sein tilbakemelding grunna ferieavvikling.

Ut frå våre arkiv er det ikkje kjend automatisk freda kulturminne eller andre verneverdige kulturminne knytt til den planlagde traséen, men det er registrert gravminne i nærområdet. Det er frå før kjent restar av førhistoriske graver og gjenstandar på Nordanger (Åshøyen) gnr. 415, bnr. 10), ein brynerest og ein kniv. Funnstaden ligg nær den planlagde vegtraséen.

Etter ei vurdering av det aktuelle området, finn vi det naudsynt å gjennomføre ei kulturhistorisk synfaring. Før vi kan gje fråsegn til søknaden, må vi vurdere om tiltaket kjem i konflikt med hittil ikkje registrerte automatisk freda kulturminne eller andre verneverdige kulturminne.

Ved synfaringa vil ein ta stilling til om det er naudsynt med ei arkeologisk registrering for å få oppfylt undersøkingsplikta i kulturminnelova. Synfaringa av området vil bli gjort så raskt som råd.

Med helsing

David J. Aasen Sandved
seksjonssjef

Sigrun Wølstad
seniorrådgjevar

Brevet er elektronisk godkjent og har difor inga handskriven underskrift